



Khutba

Eid-ul-Fitr



05 Juin 2019
01 Shawwal 1440 AH

Après ki li fine salué tous so bane disciples (et tous bane Musulmans) entier le monde avec le *Salaam* - la Salutation de paix dans l'Islam – et **EID MUBARAK**, Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lor :

Hazrat Khalifatullah Munir A. Azim
Jamaat Ul Sahih Al Islam

EID-UL-FITR KI ÉTÉ ?

Par la grâce d'Allah, Allah fine donne nous sa *Tawfeeq* là pour nous réuni encore ene fois pour ene nouvo célébration de *Eid-ul-Fitr*.

Le mot '*Fitr*' veut dire rompe le jeûne (carême/ *Roza*). C'est de sa même source (mot) là ki nous gagne le terme (mot) '*iftaar*'. **Eid-ul-Fitr** veut dire célébration ou fête ki célébrer à la fin du jeûne de *Ramzaan*. Après ene mois *Roza*, le *Shariah* de l'Islam préconise ene jour kot nous bizin joyeux. Ene jour kot li obligatoire ki nous

manger et nous heureux. Sa jour là li défanne pou nous ki nous garde *Roza*. (Bukhari).

C'est ene moment pour partage l'amour dans la sérénité [la tranquillité, l'harmonie, la paix] avec la famille et bane camarades. C'est ene moment kot la famille li réuni li autour d'ene sel la table pour partage ene petit déjeuner symbolique ki distingue le jour d'Eid de bane les autres jours habituels. Fine rapporté ki le Saint Prophète Muhammad (saws) ti pé consomme détrois dattes [tames] d'ene nombre impair avant ki li sorti pour alle faire so *Namaz [Salaat]* Eid.

Dans l'époque de Nabi Kareem (saws), Eid ti synonyme d'enthousiasme et d'ene la joie sans pareille. Au fait, bane jours de Eid zot bane sel fêtes ki bane musulmans capave célébrer. Remarquez ki nous célébrer Eid par ene *Salaat* additionnelle. Donc, ene musulman fêter avec plisse la prière – *Namaz* et *duahs* – en remerciant so Rab (Maître) pour tous bane faveurs ki Li fine déverser lor li. Sa li ene l'heure pou fraterniser, pou faire preuve de générosité et pou pardonner. Avec ene lé cœur pur, nous rentre dans nous la caze afin ki nous passe le reste de nous la journée avec nous la famille.

Hazrat Aisha (ra) raconter ki le jour de Eid, pendant ki li ti pé écoute bane poèmes (banes *Nazm/ Na'ats/ Qaseeda* sans la musique) en présence du Saint Prophète (saws), so papa Abu Bakr (ra) ti vine rende zot visite. (Bukhari).

En plus de sa, li ene vertu pou manger et pou fêter sa jour là, mais bien entendu de façon islamique seulement! Ou pas alle dépasse limites, ou alle fer bane excès ki Allah zamais pas fine ordonne ou fer. Ou pas fer Eid party, Qawwali party, chanter-danser avec la musique, ou pas reste manger aller même ene nuite. Non ! Sa c'est pas philosophie de *Eid-ul-Fitr*. Nous tous sans exception, nous bizin reste dans la limite de saki Allah fine permette nous seulement. Nous fine faire bane sacrifices pendant ene mois, et alor, Allah récompense nous par ene jour de Eid pour nous dévotion et nous soumission à So volonté parski nous fine obéir Li pendant le mois sacré de Ramzaan. Allah zamais pas mette ene fardeau lor So bane serviteurs au-delà de saki zot capave supporter [endurer]. Li ordonne zot pour faire bane sacrifices, et ensuite Li récompense zot.

Dans sa le monde ici-bas là nous dans l'obligation pour suivre bane l'ordre ki Allah donne nous afin ki nous capave libre pour toujours dans l'autre lémonde

[Aakhérat]. C'est tout simplement ene sorte l'arrangement ki Allah (swt) ki passé avec bane croyants. Donc, li préférable ki nous obéir à So bane l'ordres ki bien souple, bien abordable ki Li fine décréter pour nous kan Li fine établir *Roza* pour nous pendant ene mois seulement – détrois jours – afin ki en retour nous capave jouir d'ene la vie éternité ki rempli avec la joie. *Insha-Allah*.

C'est dans sa l'obéissance absolue là ki Allah (swt) fine promette ene très grand paradis, ene la caze kot tous nous bane désirs et tous nous bane passions pour être comblés. L'entraînement ki Ramzaan fine apporte nous li sans aucaine doute ene grand opportunité, ene grand la chance sans pareil ki Allah fine donne nous. Li fine donne nous ene jour de fête après ene mois de sacrifices kot Li encourage nous pou marche lor sa chemin droite là et pou cultive sa bane même l'habitudes là afin ki nous contigner récolter bane fruits de nous *Imaan* (foi) dans sa lé monde là et dans *Aakhérat*.

Kan arrive sa grand jour de Eid là, nous bizin aussi ena ene pensée spéciale pour bane pauvres. Zot bizin pense à bane pauvres dans zot bane actes de charité, dans zot bane actes de miséricorde et dans zot *Namaz* et *duahs* aussi [dans zot la prière]. Faudé ki en aucaine cas zot pas oublier sa bane là. C'est ene jour de grande joie et c'est nous devoir pou partage li avec bane pauvres et bane démunis. C'est pour apporte contentement et bane moyens pou célébrer le Eid ki le Shariah fine impose le *Sadaqaat-ul-Fitr* lor tous bane musulmans. De ce fait, pareil couma mo ti dire zot pendant le mois de Ramzaan, nous bizin paye Rs. 100 (Roupiés Mauricien – ene valeur d'au moins deux repas principal par jour) pour chaque membre de la famille bien avant *Salaat-ul-Eid*. De sa façon là, bane pauvres pou capave zot aussi vive la joie de sa jour spéciale ki Eid représenter. Sa séquence Ramzaan et Eid là, ene après l'autre li souligne le concept ki bien courant dans l'Islam ki c'est bane sacrifices ki ouvert le chemin pour gagne le bonheur. Remarquez ki c'est zis après Ramzaan ki nous gagne ene jour de Eid et non pas le contraire.

Le jour de Eid li ene jour de fête. Mais sa pas veut dire ki nous bizin laisse nous entrainer par Shaytane et nous alle perdi contrôle à ene tel point ki nous perdi tout saki nous fine prend la peine pou accumuler [bane bons l'habitudes, bane bons actions] pendant Ramzaan. Si nous faire sa, si nous retourne à nous bane ancien mauvais pratiques, li pareil ki nous pé salir nous-mêmes après ki nous fine purifier nous. Au contraire, astaire là li pou pli facile pou nous pou vine pli régulier

dans nous cinq fois *Namaz (Salaat)* quotidien, puisque nous système li adapté avec rythme de bane horaires. C'est-à-dire, kan nous fine prend l'habitude faire ene zaffaire, par exemple, alle dormi bonheur, nous pou lève bonheur, surtout pou *Namaz Tahajjud*, et *Fajr*, etc.

Le *Tahajjud* et bane les autres *Salaat* additionnelles (*Nafils*) zot bane moyens pour reste proche avec Allah (swt). Le Saint Prophète (saws) fine rapporter ki Allah (swt) fine dire: « *Nannié pas faire Moi pli content Mo serviteur ki l'accomplissement de so bane devoirs religieux ki Mo fine ordonne li [pou faire]. Et Mo serviteur contigner rapproche li de Moi par bane travaux additionnel ziska ki Mo content li. Du moment ki Mo content li, Mo vine so z'oreille avec ki li tendé, so lizié avec ki li trouver, so la main avec ki li combatte [la guerre] et so lipié avec ki li marcher. Alor si li demande Moi kitchose, Mo surement pou donne li sa ; si li cherche Mo protection, alor en vérité Mo pou accorde li sa [saki li pé demande Moi là]. » (Bukhari).*

Donc celui ki reste obéissant et soumis à bane commandements d'Allah pou gagne Allah comme so défense et so protection. Allah Li là, dans li, à so côtés pour aide li pou réaliser so bane ambitions licites [*Halal*].

Au cours mois *Ramzaan*, *Roza* ainsi ki bane *Namaz Nafils* couma *Tarawee* zot bane moyens pour acquérir le *Taqwa*. Allah (swt) dire: « **Ô ou ki ena la foi! *Roza* fine prescrire pou ou, pareil couma li ti prescrire pour bane avant ou, afin ki ou vine pieux.** » (Al-Baqara 2: 184).

Donc, nous bizin profite de sa capital spirituel là au maximum pendant sa mois là et reste loin de bane péchés pendant le *Ramzaan*. Li donc possible pou continuer dans sa bane bons travaux là, sa bane bons l'habitudes là tout le long de l'année. L'après-*Ramzaan* commencer par la journée de *Eid*. Alors nous bizin content [joyeux/ dans la joie] et obéissants [obéir Allah] aussi!

Dans ene *Hadith*, *Hazrat Anas (ra)* rapporter ki le Saint Prophète (saws) fine dire: « *Kan le soir de Laila-tul-Qadr (La Nuit du Pouvoir) arriver, Ange Jibreel (as) accompagné d'ene groupe de bane anges dessane et envoye bane bénédictions et demande grâce pour sa dimoune ki plongé dans bane actes de dévotions (Ibaadat), que ce soit li deboute ou assizé. Et kan le jour de Eid arriver, Allah Li content et Li demande à bane anges saki zot penser au sujet de bane ki fine prier pendant sa la*

nuit béni de Laila-tul-Qadr là ; sa bane là réponde : « Ô Seigneur (Rab), donne zot beaucoup récompenses. »

Allah (twa) dire : « Ô Mo bane anges! Mo bane serviteurs après ki zot sorti de zot la caze pour alle Eid Gah pour demande Duahs, Mo faire serment lor Mo l'Honneur, Mo Pitié, Mo Faveur et Mo Grandeur ki Mo pou accepter zot Duahs. » Ensuite Allah (swt) pou dire: « Mo pou accepter zot Duahs.» Après Allah (twa) dire: « Ô Mo bane serviteurs! Retourne kot zot. Mo fine pardonne zot et Mo fine converti zot bane péchés en bane bons actions. » Le Saint Prophète (saws) fine dire ki kan bane croyants retourne de sa place kot zot fine accompli le Salaat de Eid, zot péchés pou pardonnés. » (Mishkaat).

Mo arrête là-même et mo souhaite zot tous **Eid Mubarak!** Ki Allah déverse lor zot So bane bienfaits et dirige zot les cœurs toujours lor la vérité. Mo faire *duahs* ki après Ramzaan, sa bane jours ki pou passer là, ki tout sa là vine pour zot tous ene l'occasion continuel pou faire bane bons actions et pour aide la cause d'Allah dans façon ki plus parfait, afin ki Allah Li toujours content de zot. *Insha-Allah, Ameen.*

عيد سعيد ومجيد لكل عام وانتم بخير

مع الاسرة الكريمة

ان شاء تعالى من المقبولين

À tous mo bane disciples : Eid-ul-Sa'eed. Ki Allah accorde zot ene joyeux et glorieux Eid, tous les temps, tous les l'années, et garde zot et zot familles bien. Ki Allah (twa) accepter sa *duah* là. *Ameen. Eid-ul-Fitr Mubarak.*

Maintenant, ene très bon nouvelle par la grâce d'Allah. Dans la nuit de 1^{er} Shawwal, kan la lune fine paraîte pour le Eid-ul-Fitr, kot mo ti pé faire beaucoup duahs et Nafils. Ene seul coup mo lizié fermer, mo rentre dans ene *Kashaf* kot mo trouve ene joli dimoune paraite devant moi, et li fixé moi. So lizié briller, comme-ci dirai, ene la lumière ki pé sorti dans so lizié et pé tappe lors moi. Li tout de blanc, Li bien rosée – bien bien zoli même – avec ene turban blanc, so linge blanc, so la barbe bien fourni et tous blanc.

Li lève so la main et li guette là-haut – Li adresse Allah (swt) en Urdu :

Taa U'mr kar dé aana Muqaddar, Allaahou Akbar Allaahou Akbar.

Faire ki mo ré vine là l'année après l'année Ô Allah !

Téré karam ki kia baat Mawlaa.

Tout comme Ta miséricorde est sublime.

Après li guette moi, li faire ene sourire et li dire moi en urdu même :

Téri saadgee pé Laakhon, téri aajizee pé Laakhon.

Mille salutations sur votre simplicité et votre modestie exemplaire.

L'heure là mo dire li en urdu même [Mo pas conne cause urdu, mais sa parole là sortie coumsa] :

Méré sab a'zeez chouté, sabhi yaar bhi to routhé.

Tous mo bane proches fine abandonne moi et mo bane camarades ki ti proche avec moi aussi fine éloigné de moi.

Li dire, avant li aller :

Téré liyé asraar ka darwaazaa khoulaa hé.

Bane la portes ki renfermer avec bane secrets dans l'au-delà zot ouverts pour toi.

Allaah ké dildaar ka darwaazaa khoulaa hé.

La porte de Sa grâce [Allah] reste ouverte à tout malheureux et opprimé.

Et après li aller, li dire moi : « **Mubarak Ho, Hazar Mubarak Ho et Eid-ul-Fitr Mubarak à vous et tous ki fine croire en ou avec sincérité et avec obéissance.** »

Et li dire :

Nooré Mujassam nayyaré a'azam...

Vous êtes cette lumière glorieuse et resplendissante...

[Li fine contigner, mais mo pas fine capave capter encore...]

Toute suite mo sortie dans sa joli *Kashaf* là [et aujourd'hui mo pé partage sa avec zot le premier ki pé tanne sa, et *Insha-Allah*, pour tous mo bane disciples et tout l'*Ummah* de Hazrat Muhammad (saws) à travers le monde en entier] et mo commence trembler. Mo gagne frais, comme-ci dirai mo l'âme fine faire ene longue voyage et mo senti mo lécorps pé crazé, rempli de douleur, mo deux lipiés faible et pé rissé. Après quelques minutes mo senti moi un peu refaire. Mo fine continuer lire *Darood Shariff* avant [Mo lire Surah Al-Fatiha et puis *Darood Shariff* mais mo pas conné commié fois] et mo faire sa *duah* là aussi :

Ya Hayyo, Ya Qayyum, sabitna bi Rouhil Qouddouss (*plusieurs fois*).

Mo senti moi gagne chaud et transpirer cette fois-ci. **Allah révèle moi :**

Wa atii-ullaaha wa Rasuulahuu wa laa tanaaza-uu fataf-shaluu wa tazhaba riihukum was-biruu : innallaaha ma-as saabiriin.

Obéir Allah et So Messenger, et pas disputer. Sinon ou va perdi ou courage et ou souffle. Et prend patience parce qui Allah reste avec bane ki prend patience.

Yaaa-ayyuhal Khalifatullah hasbukallaahu wa manittaba-aka minal-Mu'-miniin.

O Khalifatullah, Allah suffit pour toi et pour bane croyants ki suive toi.

Masha-Allah à tous mo bane disciples ki sincères et ena ene l'amour profond pour Allah So Khalifa. Bon nouvel pour zot à sa l'occasion de *Eid-ul-Fitr* là. Mo dire zot « **Mubarak Ho !** » et « **Eid-ul-Fitr Mubarak** ». Ki Allah faire zot *Mubarak* partout kot zot été. *Insha-Allah*.